

# Letzte Odemzoch

Musik & Text Björn Heuser / Verlag: HEUSERMUSIK, GMO Publishing

---

Et es kalt em Sommer, un der Winter es wärm,  
do häs unbändije Hunger, wells alles un noch mieh sinn.  
Jierije brunge Auge, e Stoffdier em Ärm  
dat es su jeborje bei dir, wie do bei mir ganz deef drin.

**Ich well nit vill, hatt em Leeve jechoch,  
ich well nur, dat do mich noch kenns un jän häs,  
bei mingem letzte Odemzoch.**

Ding Welt weed sich driehe, manchmol schneller als ming,  
dat es völlig in Oodnung, brengk et aff un zo och Ping.  
Du bes ganz am Anfang, ich hoff ich han dir e Bettche jemat,  
en däm et dir jot jeiht, hück un morje, un bes zom letzte Daach.

**Ich well nit vill...**